

SECZIUN PEZ AULT

PROTOCOL DALLA RADUNONZA DA SECZIUN
DILS 07-05-2011
EL STAN DA SITTAR A VELLA





Tractandas

1. Beinvegni
2. Elecziun da dus dumbravuschs
3. Discussiun e decisiun pertucont las propostas per mauns dalla radunonza da delegai dall' uniun cantunala grischuna da catschadurs da patentia (BKPJV) diils 21 da matg 2011 a Lai. (mira publicaziun el Catschadur Grischun dil meins avrel)
4. Diversas Informaziuns, discussiuns cun eventualas decisiuns.
5. Varia

Suenter la radunonza vegn nies guardiaselvaschina Arnold Caminada ad orientar sur dallas dumbraziuns e sur d' entgins temas da nossa catscha.

1. Beinvegni

Allas 14.30 fa nies president Boris Caduff a tuts presents in cordial beinvegni. Ed ei legra el zun fetg che tons han fatg part dal gi da tgira ed engrazia a tuts persuenter.

In spezial beinvegni va al guardiaselvaschina Arnold Caminada sco era al president da tgira dil district II Marco Casanova. Marco Casanova sa prender encunter in applaus diils presents perquei ch' el ei sedeclaraus promps da surpender quei uffeci. In cordial beinvegni van era als candidats che Boris ha cuort mess avon. El legra nies president ch' era ils candidats sesan tier alla radunonza schegie ch' els han aunc buca dretg da votar.

Nies president fa attents ch' ei vegn duvrau per uonn aunc voluntaris per lavur cumina vid il stan e per segidar cul cau da tgira. Ensemen cun la gliesta da presenza san ins aunc s'annunziar sin ina gliesta per la lavur cumina.

La radunonza ei vegnida convocada ad uras, entras l'invitaziun e la gliesta da tractandas, cun vegnir tarmessa tier e publicada el fegl uffical. Ei dat neginas objecziuns ni completaziuns enviars la gliesta da tractandas, aschia declara nies president nossa radunonza sco aviarta.

Perstgisas: Pieder Antoni Halter, Lucas Halter, Gieri Derungs, Patric Caduff, Martin Giusep Capaul, Albert Lombris, Mario Capaul, Gioni Capaul, Conrad Capeder.

Presents ein oz 33 commembers. 4 vuschs ein da nos candidats che han aunc buca il dretg da votar. Aschia ein 29 presents commembers A cun dretg da votar.

2. Elecziun da dus dumbravuschs

Sco dumbravuschs vegnan Gian Marco Casanova e Luis Caduff proponi ed elegi unanim.



3. Discussiun e decisiun pertuccont las propostas per mauns dalla radunonza da delegai dall'uniun cantunala grischuna da catschadurs da patentia (mira publicaziun el Catschadur Grischun dil meins avrel)

Il 21 da matg ha la radunonza da delegai dall'uniun cantunala grischuna da catschadurs da patentia (BKPJV) liug a Lai. Noss'uniun ha dabien 4 vuschs da delegai a quella radunonza. Nus havein oz l' incarica da decider ils votums da nos delegai.

Las propostas ch' ein vegnidas inoltradas per mauns dalla radunonza da delegai ein stadas publicadas el Catschadur Grischun dil meins avrel. Aschia ha mintga commember giu la pusseivladad da sedar giu cun quei tema e da far ses agens patratgs sur da las propostas.

Nies president declara tier mintga proposta cuort pertgei ch'ei va e tgei che las midadas effectueschan. Silsunter metta el avon il votum dil BKPJV e JSRS e lai lu suenter la discussiun votar giu tier mintga proposta.

Propostas:

decisiun dalla radunonza:

-Temps catsch' aulta 2012

Arthur Caduff vegn cun la proposta d' entscheiver buca il gliendisdis mobein la sonda la catscha. Nies president declara che propostas vessan ins stuiu far avon, sinquei fa Arthur Caduff la proposta da refierer la proposta dil BKPJV.

nies president vegn tier la votaziun.

vegn susteniu (19 gie / 6 na)

-revisiun da statutas e refuormas da structura
)

vegn susteniu (unanim per proposta 1, 2 e 3)

-dretg da partizipaziun tier la catscha d' atun

vegn buca susteniu (19 na)

-partenza e viadi tier igl albiert

vegn susteniu (25 gie / encunter 0)

-midadas da perscripziuns tier las tscharvas

vegn susteniu (13 gie / 7 na)

-midadas da perscripziuns tier ils camutschs

vegn buca susteniu (11 na / 4 gie)

-proposta secziun Safien

vegn susteniu (16 gie / 1 na)

4. Diversas informaziuns, discussiuns cun eventualas decisiuns

Boris dat il plaid a Natali per entginas informaziuns sur dil stan da sittar.

Natali informescha:

-sur digl inventar da muniziun. Fa era attents che quels che vulan muniziun speziala sco p.ex. la GR spezial, san sennunziar tier el. In gjavisch da nies cau dil stan ei, ch' ei vegn pagau ils 5.- fr tier ils trenaments avon che sittar, per aschia haver ina megliera controlla.



-sur dil problem dil fanc che vess da esser schligiaus ussa cun la lavur da tschella sonda ed engrazia ad Adrian cun ils candidats per lur agid. Era las schibas ein gia montadas ed enqual motor ei vegnius midaus.

-sur da schar midar entuorn ina schiba en ina schiba fixa ch' ins sa schar si sur unviern. Natali vegn a metter avon quei pli detagliau tier ina proxima radunonza.

-sco era sur dallas lavurs ch' ein da far vid il stan da sittar e contuorn.

Boris fa attents aunc inagada sil gi da lavur cumina dil 4 da zercladur. Quei datum vegn era publicaus el Fegl Ufficial.

Nies president dat il plaid al cau da tgira Adrian

Adrian orientescha ch' el hagi annunziau per ina buna summa lavurs da tgira pil 2011 e spera che nus vegnien a saver far tut quellas lavurs el decuors da quei onn.

Adrian engrazia a tuts che han segidau e giavischa a tuts ina buna stad e buna catscha 2011.

Nies president metta avon il plan da sittar

Il plan da sittar ei vegnius tarmess tier a mintga commember. Boris informescha cuort sur dallas midadas dil plan da sittar. Ils trenaments da sittar entscheivan uonn gia miez matg e vegnan tratgs empau dapart. Igl october e november vegn sittau mo sin damonda per telefon. Tgi che vegli aunc sittar autras uras che publicau dueigi far schi bien e contactar il chef dil stan Natali Lombris. Durent catscha san ins dar in telefon a Natali, el vegn ad organisar in muossaschiba per il tiradur. Sch' ils candidats lessan sittar ord il temps uffical da trenament, s' organiseschan Natali ed Adrian.

Era vegn sittau uonn il ste da trenament, uonn sin l' uolp.

Nies president engrazia a tut quels che segidan tier ils trenaments.

Las occurenzas da nossa secziun per uonn vegnan cuort presentadas:

21-05-2011 Radunonza da delegai dil BKPJV
matg-november: Trenament da sittar
13-08-2011 Tir intern
29-10-2011 Gi da tgira d'atun
26-11-2011 Sera familiara cun presentaziun da trofeas
07-12-2011 1. radunonza da dalegai dalla JSRS
27-12-2011 Marcau Daniev



5. Varia

-Nies president damonda tgi che sa, d' uniuns che vessan interess d' organisar la restauraziun per nosa sera familiara, dëssan sennunziar tier la suprastonza.

-Nies cassier Pascal prenda il plaid e fa attents ch' el vegni ad abdicar sco cassier tier la proxima radunonza generala 2012.

-Nies president vegn a metter nosa pagina d' internet sil niev stan

-Boris damonda tgi che vul vegnir a Lai. Natali e Boris vegnan ad ir, tgi che vul aunc vegnir sa sennunziar era suenter la radunonza.

-Nies president engrazia a tuts presents per la partizipaziun al gi da tgira cun radunonza e giavischa a tuts ina biala stad.

-Silsuenter siara nies president la radunonza.

Suenter il referat engrazia Boris a nies guardiaselvaschina Arnold Caminada per quellas interessantas informaziuns ed explicaziuns sur dallas ceffras dallas dumbraziuns pil plan da catscha ed Arnold sa prender encunter in ferm applaus diils presents.

Vella, ils 9 da matg 2011

Il president
Boris Caduff

igl actuar
Maurus Demont

.....

.....